




PRAVILNIK

O KORIŠTENJU VLASTITIH PRIHODA UNIVERZITETA U SARAJEVU

– PRIRODNO-MATEMATIČKOG FAKULTETA



**UNIVERZITET U SARAJEVU-
PRIRODNO-MATEMATIČKI FAKULTET**

**PRAVILNIK O KORIŠTENJU VLASTITIH PRIHODA
UNIVERZITETA U SARAJEVU-
PRIRODNO-MATEMATIČKOG FAKULTETA**

Sarajevo, maj 2023. godine

SADRŽAJ

DIO PRVI - OSNOVNE ODREDBE	4
DIO DRUGI - STICANJE VLASTITIH PRIHODA	5
DIO TREĆI - KORIŠTENJE VLASTITIH PRIHODA	6
DIO ČETVRTI - ZAVRŠNE ODREDBE	8

Na osnovu člana 69. Zakona o visokom obrazovanju Kantona Sarajevo („Službene novine Kantona Sarajevo“ broj: 36/22) i člana 104. Statuta Univerziteta u Sarajevu, a u vezi sa članom 25. i članom 27. Zakona o visokom obrazovanju Kantona Sarajevo („Službene novine Kantona Sarajevo“ broj: 36/22), te u skladu sa članom 6. Pravilnika o korištenju vlastitih prihoda Univerziteta u Sarajevu i članom 11. Pravilnika o upravljanju projektima na Univerzitetu u Sarajevu, Vijeće Univerziteta u Sarajevu – Prirodno-matematičkog fakulteta na 56. redovnoj sjednici održanoj 04. 05. 2023. godine *USVOJILO* je

PRAVILNIK O KORIŠTENJU VLASTITIH PRIHODA UNIVERZITETA U SARAJEVU – PRIRODNO-MATEMATIČKOG FAKULTETA

DIO PRVI - OSNOVNE ODREDBE

Član 1. (Predmet Pravilnika)

Pravilnikom o korištenju vlastitih prihoda Univerziteta u Sarajevu (u daljem tekstu: Pravilnik) se utvrđuje način korištenja vlastitih prihoda Univerziteta u Sarajevu (u daljem tekstu: Univerzitet) i članica koje Univerzitet i članice ostvaruju obavljanjem svoje registrirane djelatnosti, a koje se ne finansiraju iz sredstava Budžeta Kantona Sarajevo (u daljem tekstu: Budžet).

Član 2. (Vlastiti prihodi)

- (1) Pod vlastitim prihodima podrazumijevaju se prihodi koje Univerzitet i članice ostvare u skladu odredbama člana 25. i 27. Zakona o visokom obrazovanju („Službene novine Kantona Sarajevo, broj 36/22) - (u daljem tekstu: Zakon) obavljanjem svoje registrirane djelatnosti, kao i ostalih poslovana tržištu.
- (2) Vlastiti prihodi koje ostvari Univerzitet i članice uplaćuju se na Jedinствени račun Trezora Kantona Sarajevo, a koriste se u skladu sa ovim Pravilnikom.

Član 3. (Uplate, evidentiranje i razgraničenje vlastitih prihoda)

- (1) između Univerziteta i finansijera programa.
- (2) Vlastiti prihodi koje ostvari Univerzitet i njegove članice, a u skladu sa odlukom Vlade Kantona Sarajevo, mogu se prenijeti u Uplata i evidentiranje vlastitih prihoda vrši se u skladu sa odredbama relevantnih propisa kojima se uređuje ova oblast.
- (3) U skladu sa posebnom odlukom Vlade Kantona Sarajevo, prihodi od međunarodnih projekata uplaćuju se na zaseban namjenski račun Kantona Sarajevo i predstavljaju vlastite prihode članice Univerziteta koje su prihod ostvarile, te se koriste u skladu a potpisanim sporazumima i ugovorima naredne tri fiskalne godine (razgraničiti), uključujući i vlastite prihode uplaćene za sticanje naučnog stepena doktora nauka, prihode od naučnoistraživačkog rada fakulteta, prihode od projekata/programa, te prihode od specijalizacija i druge prihode/izvore za koje su ugovori sklopljeni na duži period.
- (4) Ostvareni, a nerazgraničeni iznosi ne mogu se naknadno razgraničiti i postaju sastavni dio javnih prihoda budžeta Kantona Sarajevo.

DIO DRUGI - STICANJE VLASTITIH PRIHODA

Član 4. (Osnove za sticanje vlastitih prihoda)

Univerzitet i članice stiču vlastite prihode u skladu sa Zakonom, Uredbom o utvrđivanju vlastitih prihoda, načina i rokova raspodjele koju donosi Vlada Kantona Sarajevo (u daljem tekstu: Uredbom) i drugim relevantnim propisima koji reguliraju predmetnu oblast, te općim aktima Univerziteta.

Član 5. (Vrste vlastitih prihoda)

- (1) Vrste vlastitih prihoda koje ostvaruje Univerzitet i članice Univerziteta su:
- a) prihodi od realizacije naučno-nastavnog procesa na III ciklusu studija;
 - b) prihodi od akademskog, stručnog, specijalističkog, dualnog, interdisciplinarnog, transdisciplinarnog i multidisciplinarnog studija koji se realizuju u okviru Univerziteta samostalno ili sa drugom domaćom ili stranom visokoškolskom ustanovom, institucijom ili poslovnim subjektom;
 - c) prihodi od realizacije kurseva, seminara, mikrokvalifikacija, pripreme nastave, ljetnih/zimskih škola, te različitih oblika necikličnog i cjeloživotnog obrazovanja;
 - d) prihodi od naučnoistraživačke, umjetničkoistraživačke, naučne, umjetničke, ekspertsko-konsultantske i stručno-konsultantske djelatnosti;
 - e) prihodi od naučnoistraživačkih i umjetničkoistraživačkih projekata;
 - f) prihodi od tekućih transfera drugih nivoa vlasti i međunarodnih organizacija;
 - g) prihodi od donacija pravnih i fizičkih lica;
 - h) prihodi od legata, poklona i zavještanja;
 - i) prihodi od stručnih projekata, stručnih ekspertiza, stručnih skupova;
 - j) prihodi od tehnoloških centara, programa, projekata i slično;
 - k) prihodi od domaćih i međunarodnih programa i projekata;
 - l) prihodi od postupka priznavanja inostranih visokoškolskih kvalifikacija i ekvivalencije javnih isprava;
 - m) prihodi od autorskih prava, patenata i drugih prava intelektualne svojine;
 - n) prihodi od izdavačke djelatnosti;
 - o) prihodi od ostalih djelatnosti prodaje proizvoda i usluga koji su rezultat naučne, umjetničke i stručne djelatnosti (hostinga, domene, telekomunikacija i web usluga itd.);
 - p) prihodi od pružanja zdravstvenih i stomatoloških usluga i usluga edukativnog zdravstva, te realizacije zdravstvene i veterinarske djelatnosti, odnosno djelatnosti laboratorija, instituta, poliklinika i klinika;
 - q) prihodi od prodaje otpadnog materijala;
 - r) prihodi od izdavanja i korištenja imovine;
 - s) prihodi od realizacije pedagoškog obrazovanja i svih oblika permanentnog obrazovanja;
 - t) prihodi od učestvovanja studenata u troškovima studija;
 - u) prihodi od drugih izvora u skladu sa zakonom i registrovanom djelatnošću; te
 - v) prihodi od ostalih akademskih i naučnih, umjetničkih i istraživačkih aktivnosti u skladu sa djelatnošću koju Univerzitet obavlja
- (2) Vlastiti prihodi iz stava (1) ovog člana koje ostvaruje članice Univerziteta utvrđuje se na način propisan zakonom i drugim relevantnim propisima, te pojedinačnim aktima članice Univerziteta.

- (3) Ostali prihodi koji nisu obuhvaćeni odredbama Zakona i Uredbom, kao i drugim relevantnim propisima, predstavljaju vlastite prihode članica Univerziteta.
- (4) Primitak od prodaje imovine Univerziteta uplaćuju se na Jedinствени račun Trezora Kantona Sarajevo, a u korist Univerziteta.

DIO TREĆI - KORIŠTENJE VLASTITIH PRIHODA

Član 6. (Način raspodjele prihoda)

- (1) Ostvareni vlastiti prihodi iz člana 5. ovog Pravilnika, izuzev sredstava sa stručnog studija, projekata i zakupa, raspoređuju se na sljedeći način:
 - a) 17% za ulaganje u materijalno-tehničko i infrastrukturno održavanje, nabavka opreme, razvoj ljudskih i nastavnih resursa, jačanje suradnje sa privredom kroz angažman stručnjaka iz prakse, plaćanje spoljnih saradnika;
 - b) 15% za poboljšanje materijalne i tehničke opremljenosti kao osnove za realizaciju kvalitetnog nastavnog procesa na III ciklusu odsjeka Fakulteta koji organiziraju III ciklus, proporcionalno uplatama studenata III ciklusa na tim odsjecima;
 - c) 5% prihoda izdvajaju se za Fond za razvoj Univerziteta;
 - d) 3% prihoda izdvajaju se za funkcionisanje zajedničkih službi Univerziteta;
 - e) 5% sredstava od uplata za III ciklus studija izdvajaju se za rad menadžmenta, stručnih službi Fakulteta uključenih u rad III ciklusa, te voditelja i sekretara III ciklusa, o čemu odluku donosi dekan;
 - f) Odluku o raspodjeli preostalih sredstava za III ciklus studija donosi dekan na prijedlog voditelja voditelja III ciklusa studija, a za sve ostale prihode iz člana 5. ovog Pravilnika odluku donosi dekan.
- (2) Ostvareni vlastiti prihodi po osnovu projekata raspoređuju se na sljedeći način:
 - a) U skladu sa vrstom projekta i planom realizacije budžeta koji uključuje i angažiranje jedinstvenih službi Univerziteta/službi Fakulteta koje podržavaju upravljanje projektima, voditelji projekata su obavezni najkasnije prije podnošenja finalnog projektnog izvještaja, alocirati 2% od ukupnog budžeta projekta za administraciju Univerziteta/Fakulteta putem zahtjeva za prenos /alokaciju sredstava (Obrazac P7).
 - b) 14% za ulaganje u materijalno-tehničko i infrastrukturno održavanje, nabavka opreme, razvoj ljudskih i nastavnih resursa, jačanje suradnje sa privredom kroz angažman stručnjaka iz prakse, plaćanje spoljnih saradnika,
 - c) 14% za poboljšanje materijalne i tehničke opremljenosti kao osnove za realizaciju kvalitetnog nastavnog procesa na odsjecima Fakulteta na kojima se realizira projekat,
 - d) Odluku o raspodjeli preostalih 70% prihoda donosi dekan na prijedlog voditelja projekta.

Član 7. (Način raspodjele prihoda od zakupnina)

- (1) Prihodi ostvareni od zakupnina raspoređuju se na sljedeći način:
 - a) 5% prihoda izdvajaju se za Fond za razvoj Univerziteta;
 - b) 3% prihoda izdvajaju se za funkcionisanje zajedničkih službi Univerziteta;
 - c) 50% za odsjeke Fakulteta (po 10% za svaki odsjek);
 - d) Odluku o raspodjeli preostalih 42% prihoda donosi dekan.

Član 8.

(Način raspodjele prihoda od sredstava sa stručnog studija)

- (1) Prihodi ostvareni od stručnog studija raspoređuju se na sljedeći način:
 - a) 22% za razvoj i unapređenje nastavno-naučnog procesa na Fakultetu uključujući rad menadžmenta i stručnih službi Fakulteta uključenih u realizaciju stručnog studija;
 - b) 10% za nabavku opreme i stručne literature neophodne za izvođenje nastave na stručnom studiju;
 - c) 5% prihoda izdvajaju se za Fond za razvoj Univerziteta;
 - d) 3% prihoda izdvajaju se za funkcionisanje zajedničkih službi Univerziteta;
 - e) 60% sredstava za naknade: izvođačima nastave, stručnjacima iz prakse, laborantima, sekretar odsjeka na kojem se realizira stručni studij, pomoćnim radnicima-spremačicama i ostalim učesnicima u organiziranju, održavanju i tehničkoj pomoći na stručnom studiju;
 - f) Odluku o raspodjeli sredstava iz tačke e) ovog člana donosi dekan na prijedlog šefa Odsjeka.

Član 9.

(Izuzeca od načina raspodjele prihoda)

- (1) Od uplata/priliva u Fond za razvoja Univerziteta izuzimaju se i:
 - a) prihodi od naučnoistraživačkih i umjetničkoistraživačkih projekata;
 - b) prihodi od donacija pravnih i fizičkih lica;
 - c) prihodi od legata, poklona i zavještanja;
 - d) prihodi od stručnih projekata, stručnih ekspertiza, stručnih skupova;
 - e) prihodi od autorskih prava, patenata i drugih prava intelektualne svojine;
 - f) prihodi od izdavačke djelatnosti;
 - g) prihodi od pružanja zdravstvenih i stomatoloških usluga i usluga edukativnog zdravstva, te realizacije zdravstvene i veterinarske djelatnosti, odnosno djelatnosti laboratorija, instituta, poliklinika i klinika;
 - h) namjenska sredstva koja se doznačavaju članicama Univerziteta u skladu sa odlukama resornih ministarstava i drugih organa uprave, a koja su u skladu sa članom 5. ovog Pravilnika vlastiti prihod.
- (2) Od uplata/priliva za funkcionisanje zajedničkih službi Univerziteta izuzimaju se:
 - a) prihodi od stručnih domaćih i međunarodnih projekata;
 - b) namjenska sredstva za namjenske kapitalne izdatke;
 - c) namjenska sredstva koja se doznačavaju članicama Univerziteta u skladu sa odlukama resornih ministarstava i drugih organa uprave, a koja su u skladu sa članom 5. ovog Pravilnika vlastiti prihod;
 - d) ukoliko je ovaj oblik izdataka odredbama ugovora zabranjen.
- (3) Po zahtjevu članice, Rektor Univerziteta može posebnom odlukom izuzeti od uplate/prilive u Fond za razvoj i druge oblike/izvore vlastitih prihoda članice Univerziteta.

Član 10.

(Raspodjela prihoda Fond za razvoj)

- (1) Način raspodjele prihoda koje članice Univerziteta izdvajaju u Fond za razvoj Univerziteta vrši se uskladu sa Pravilnikom Fonda za razvoj Univerziteta u Sarajevu.

Član 11.
(Namjensko trošenje vlastitih prihoda)

- (1) Rukovodilac članice Univerziteta odgovoran je da u skladu sa registrovanom osnovnom djelatnosti, vlastite prihode troši namjenski, planski, transparentno, u skladu sa finansijskim planom/budžetom članice, ugovorom i u skladu sa pozitivnim zakonskim propisima.
- (2) Vlastiti prihodi članice Univerziteta mogu se koristiti za pokriće izdataka nastalih obavljanjem poslova od kojih se ostvaruju vlastiti prihodi, a ostatak za tekuće i kapitalne izdatke, te razvoj i unapređenje nastavno-naučnog, umjetničkog i istraživačkog procesa, poboljšanje materijalne i tehničke opremljenosti članice Univerziteta, kao i za ostale troškove koji nisu pokriveni budžetskim prihodima, u skladu sa općim aktom članice koji na prijedlog rukovodioca donosi Vijeće članice.
- (3) Vlastitim prihodima mogu se pokrivati i troškovi članice Univerziteta, i to:
 - a) troškovi vezani za realizaciju različitih aktivnosti kojima se ostvaruju vlastiti prihodi, i to kroz isplate dodataka na plaću, različitih ugovora o privremeni i povremenim poslovima, ugovora o autorskom djelu, dodatka na plaću po osnovu radnog učinka, te drugim oblicima isplata a u skladu sa Jedinstvenim pravilnikom o plaćama i naknadama Univerziteta u Sarajevu i drugim općim aktima Univerziteta;
 - b) administrativno-pravni troškovi (sklapanje ugovora i ostali vidovi pravne podrške, finansijskopraćenje, provođenje tendera i slično),
 - c) troškovi isplate dodataka na plaću po osnovu radnog učinka u skladu sa Jedinstvenim pravilnikom o plaćama i naknadama Univerziteta u Sarajevu;
 - d) troškovi korištenja prostora;
 - e) troškovi održavanja;
 - f) svi ostali troškovi i aktivnosti neophodni za provođenje djelatnosti članice Univerziteta i ostvarivanje vlastitih prihoda;
 - g) troškovi isplate dodataka na platu i naknada zaposlenih koji se finansiraju iz vlastitih prihoda Univerziteta u skladu sa Kolektivnim ugovorom.
- (4) Vlastitim prihodima mogu se pokrivati i svi ostali troškovi koji nisu pokriveni iz budžetskih prihoda, te troškovi dodatnih aktivnosti vezanih za obavljanje različitih poslova u ostvarivanje vlastitih prihoda iz člana 5. ovog Pravilnika, u skladu sa finansijskim planom/budžetom Univerziteta.

Član 12.
(Isplate)

Isplate zaposlenicima Fakulteta, kao i drugim licima utvrđene članom 9 ovog pravilnika vrše se u skladu sa općim aktima Univerziteta i pojedinačnim aktom/odlukom/rješenjem koje donosi dekan.

DIO ČETVRTI- ZAVRŠNE ODREDBE

Član 13.
(Prestanak važenja ranijih pravilnika)

Stupanjem na snagu ovog Pravilnika prestaju važiti Pravilnik o raspodjeli finansijskih sredstava od upisnina za stručni studij "Informacione tehnologije" na Odsjeku za matematiku, broj: 01/06-2077/3-2018 od 24.09.2018. godine i Pravilnik o ostvarivanju i raspolaganju vanbudžetskim prihodima Univerziteta u Sarajevu – Prirodno-matematičkog fakulteta, broj: 01/01-268/6-2017 od 02.02.2017. godine.

Član 14.
(Stupanje na snagu)

Ovaj pravilnik stupa na snagu osmog dana od dana objavljivanja na web stranici Fakulteta.

Broj: 01/06-748/3-2023

Sarajevo, 04.05.2023. godine



DEKAN FAKULTETA

Prof. dr Nusret Drešković